

# Nish<sup>u</sup> assi ka ilnu pamipalika ute ilnussihtsh

Neme **8 pishimuss 2014** ekuan ne ka eshi naushunekanitsh tshishik<sup>u</sup> tshetshi kassinu ilnuatsh mashinatihutishuta ne utsh nish<sup>u</sup> assi ute ka takuka ilnussihtsh Mashteuiatsh :

- neme peik<sup>u</sup> ka tutakanitsh ussi-meshkanau ka ui tshimitakanika atusseutshuapa nete ka itashimutsh meshkanau Nishk mahk Mahikan;
- neme kutak assi 1815 Ouiatchouan (nite tshiash atautshuap Axep ka tshimitetsh.)

Ume tshe takuatshihtsh tshika tutakanu kuishk<sup>u</sup> tshetshi kassinu ilnuatsh milu-uauihtamuakanita tshekualu tshe tutakanilitsh kie tshika tshi uanisse uiluu nitu milu-uauapahtamuatsh kassinu mashinaikanilu alu tshetshi milu-uauitishikuta kie tshetshi milu-nishtatika nitu mashinatihutishuta.

Takuan ne tan miam kuishk<sup>u</sup> tshe eshi nashekanitsh kie mashinateu nite Ilnuatsh u utshimau mashinaikanuatsh kie mashinatelu nite kassinu ilnuatsh e tapuetuata nelu ka Tatshishkuat Tshishe Utshimashkueu ute assihtsh Canada tshetshi apashtata nelu assilu tshek<sup>u</sup> tshekualu e apatanilitsh ui tshimitata. Nehi assi peikuan ilnu pushipalu ute ilnussihtsh. Auhashinanun muk<sup>u</sup> tshishikashuatsh nelu tshe ishpish apashtata assilu. Takuan nite tan tshe eshi nashekanitsh ute ilnussihtsh mishue nite assi ka eshi alamutakanitsh kau ka ui utinekanitsh.

Ume anutshish ka eshi kashtihukuihk, nehi nish<sup>u</sup> assi ka alamutakanitsh usham tshetshi uanisse mashituepalitakanitsh nanahku atusseuna ute ilnussihtsh nass eka e tshishpishkakuihk ne anutshish Ilnuatsh u utshimau mashinaikanuau kie tshika tshi auhashuatsh shulialu tshetshi tshitshipalitata utatusseunuau nite assitsh.

Auenitshe ka ui mashituepalitata kie ka ui tshimitata muk<sup>u</sup> e ishinakunilitsh atusseunilu nite assihtsh ka alamutakanitsh tshika takunilu tshetshi mashinatahaka utishinikashunuau mak<sup>u</sup> kie tshetshi ashu milueta utatusseutshuapimuau mishkutsh ui auhashita nelu assilu miam nite aitsh ka tutakanitsh ute mishue assitsh Canada. Apu tshikutsh takunilitsh tshetshi pushipalita nitshe Ka Nikan atusseshtika Ilnuatsh u Ueeshitaunnilu.

Pekuakamiulnuatsh Takuhikan mishta-apatelitamuatsh nelu e mishta-apatelitikunilitsh ute Mashteuiatsh tshetshi shaputueshkekanitsh tshi peik<sup>u</sup> pakassunu ne eshi kashtinekanitsh assi ute ilnussihtsh kie usham tshetshi uanisse mashituepalitakanitsh nite tshe uhtsh pihtepalitakanitsh shuliau kie mahk takuan tshetshi nanakatueltakanilitsh Pekuakamiulnuatsh u uelutishiunuau. Nelu tshe eshi kashtinika

shulialu ashitsh nelu assilu uanisse kassinu mamu auenitshe tshika tshi uauitishakanuatsh. Luash 99 ishpish pipuna tshika tshi apashtakanu ne assi tshimitakanitsh atusseuna kie tshika takuan tshetshi taship kau tshitapahtakanitsh nite tshé ishpish apashtakanitsh ne assi.

Tshetshi tapuetakanitsh ne ka ui tutakanitsh ashitsh ne ka alamutakanitsh assi, tshika takuanilu tshetshi mashinatihutishuta ilnuatsh ute ka tata ilnussitsh.

Alu etatu ui tshisselitamek, tshuishamakunau tshetshi aimiek ashitsh :

Secrétariat aux affaires gouvernementales et stratégiques  
Pekuakamiulnuatsh Takuhikan  
1771, Amishk meshkanau, Mashteuiatsh (Québec) G0W 2H0  
Tahkapitshenikan atshitashuna : 418 275-5386, poste 388  
Utatusseu-tshitapitahkanam<sup>u</sup> : [secretariat.exectif@mashteuiatsh.ca](mailto:secretariat.exectif@mashteuiatsh.ca)  
Atusseu tshitapahtakanitsh : [www.mashteuiatsh.ca](http://www.mashteuiatsh.ca)